






808





小畜集 六

Centimetres **TIFFEN** Color Control Patches © The Tiffen Company, 2007

Blue Cyan Green Yellow Red Magenta White 3/Color Black






王黃州小畜集卷第二十六

鄉老獻賢能書賦

鄉老之荐登彼云府

古者選于里卒于鄉考德行而膏之以禮與賢能而獻之于王是故鄉老之荐不濫貢士之道有光豈不以敦至教合要道察之于鄉党升之于俊造合議于眾寡定謀于苟老非賢不卒在百行之孔修唯善是從非一鄉之皆好區以別矣尊而罷之察道藝而期茂表公共而減私于以振鄉大夫之職予以行鄉飲酒之儀厥時徹讌拜書以荐遂使乎賢者靡至乎自媒自衒有才



見奉固於我以何求在邦必詢所欲人知之勸既而有  
祿斯有膺位斯登嘉黃髮之上猷匪玄鍾之下微拜而  
拜受所以知樂善尊老義而奉所以見推賢讓能其進  
也若石之投水其用也類本之從繩然後佞之風不起  
激勸之道自徠或謂乎尔公尔侯亦在手我鄉我里學  
優則仕豈患人弗知深世不稱唯曰士之深耻故得朝  
有多士野无遺賢以此取人道合于遠古以此治世功  
侔乎上天乃鄉奉里選之謂信朝行教者焉我國家茂  
育群材濟板太古任賢克奉於二八闡化自齊於三五

經鉅堂校錄

小臣待詔向金門願詣公車之府

宮漏出花遲詩

丹禁遲、漏深宮灼、花繁枝開正滿清韵出何賒靜  
拂紅英密微穿翠葉斜依稀驚宿蝶冷落動晨鷓細逐  
香離檻輕翻露滴沙願當直仙署鈴索共交加

雲州節度使加使相麻

門下臨戎聞外伏金錢以專征定策幄中升玉堂而論  
道春惟重柄寔在全才向匪得人固先虛授其有威稜  
却敵安毅安邊式旌善戰之功別奉疇庸之典乃求吉

日持斧徽章具官某劄取一人城長萬里稟氣而全鍾  
太白論兵而自著金韜爰自作翰雲中威行塞外淖彼  
廉順之勇略居然魏尚之萊風念芳而閤列丹青已各  
竒表効節而門闕來白屢奏邊功宜升調鼎之資俾耀  
築壇之貴雖勾奴畏懼已知域外之雷霆而黔首樵蒸  
更作人間之霖雨詎不優異姑示甄酬於戲位極人臣  
榮兼將相勿期驕而伐善宜盡瘁於匪躬永保崇高何  
煩訓勵可依前件

搜訪唐永已來忠臣子孫詔

經鉅堂校錄

勅皇王之典道在賞延公侯之家義聞必復漢帝想二  
臣之掇爰求近親元和念五代之孫詔還故宅朕祇膺  
駿命景慕前王慮忠孝之臣僚有替陵之苗裔將行激  
勸宜示甄收應唐末以來梁朝而下或直言于昏主奮  
不顧身或立事于亂邦見危致命名姓雖存於青史子  
孫已混於白丁流落閭閻湮沉門閥量器能之可用委  
長吏以上言庶遵有後之文更勵為臣節人或周冒國  
有刑章凡在守臣副台深旨

正即告老可太常少卿致仕制

勅其官某卧錦為郎恩車告老特奉優賢之典用旌知  
止之心清資俾貳于奉常白首免嗟于郎署恩榮所極  
汝其佩之可以依前件

黃屋非堯

心賦黃屋車貴非帝堯意

惟彼陶唐憂民道光處黃屋以非貴慮黔黎之弗康忘  
彼乘與示一人之勤儉思乎稼穡見百姓之平章不然  
又安能禪位於大舜此崇於軒黃者豈不以天生蒸  
樹之司牧方誕敷於父德匪留心於華穀善行无迹我  
則期同軌於万方履轍在前我則致可封於比屋蓋以

經鉏堂校錄

樂為御德為車欲躋民於仁壽將納國於華胥苟兆民  
之困矣雖万乘以烏如憂勞於四海九州未臻富庶頽  
眇而鳶旂鳳蓋終類遠際有以見上德為心下民可畏  
唯惇獨以是念匪崇高兮自貴遂使鞿之響莫達於  
四聰慄之心常咨於庶彙自然我躬以瘠我民以肥  
但慮一夫而惕焉知四牡之駢足可使域中之御  
朽乘乾因茲而取則天下之車轍馬迹由是而知非所  
以道冠百王功齊五帝懋勞之德周急濟哲之風靡替  
耕田鑿井固何有於萬民神智天仁自流芳於百世今

我后功邁伯禹心侔十堯處越蓆而古風斯振設土堦  
而儉德弥昭御六馬以旒常思罪已通八豎而穆  
尚戒宣驕故得洪業弥著夜宵降瑞念蒼生而唯恐无  
告乘金輅而未嘗介意小臣待詔於公車願比伊耆之  
故事

春晚綠野秀詩

雨過川原上凝眸遠眺香韶光銷欲尽野色豐未新天  
未逢監漳江滑乱麴塵垂楊難認影幽鶯莫藏身遠接  
天開幕晴和草展茵明時四郊静凌乱踏青人

經鋟生校錄

授六尚書節度使麻

門下國之喉舌尚書是揆於六曹王之爪牙連帥出叅  
於十乘在昔唯求於藩屏我朝復藉於循良自非文武  
之全才莫預邦家之慎選其由儒雅有本兼著韜鈴却  
穀之禮樂詩書義之府也仲尼之俎豆軍旅兼而有之  
宜分經國之材各受嚴邦之寄爰頒罷命式表殊恩其  
官其守或天賦器能或時推譽譔揚歷尽試難之任周  
旋居求理之朝騰矚而龍駕乾綱俱呈步驟維穆而鳳  
吹律本共治和平暫留調鼎之恩先授登壇之柄進賢

冠而納言憤已峻朝端伏黃鉞而擁白旄更光儒道仍  
加食采式重分茅於戲名器不可以假人是予所慎富  
貴弗期而驕至在尔熟思勉承出將之榮勿辱知臣之  
鑒徃踐厥位欽哉曷哉可依前件

放五坊鷹犬詔

勅王者狩必以時除灾害於熬庶射而登俎表孝荐於  
祖宗過此以還盡為非礼朕祇鷹犬寶弗敢盤遊爰自  
國初因其旧制五坊設畋獵之備四海貢鷹犬之儔雖  
則存而勿論表如不作无益况又青骹黃耳耗民用以

經鉏堂校錄

居多雨血風毛匪朕心之所欲宜從釋放式表夏勤應  
五坊鷹鷂等並委本坊使即時放散所有狗犬人願牧  
養為警備者亦仍听勅天下今後不得更進鷹犬庶使  
發狂言之遐遂於老氏外荒之戒无愧於古書亦所以  
見朕惠及于飛走也告布中外称朕意焉

批荅處士陳搏乞還旧山表

所上表事具悉昔者帝堯臨于大寶許由称之外臣雖  
居萬乘之尊不屈正夫之志想彼貞節朕常嘉焉卿不  
仕王公多歷年歲雅有神仙之態蔚為高尚之人爰自

近年屢云請見雖玉堂金闕暫喜放未朝坤幌雲閣處  
求於歸隱可認不羈之行用全獨喜之心披閱奏章良  
多嘉尚所請宜依

日月光天德賦 陽景隱魄光被天德

日月焜煌麗乎天兮東陽既垂光垂率王寔耀德于穹  
蒼配行健之功深胞育叶无私之道契皇王是何  
鑿澆訖之精挂又舒之影循環分晝夜之度盈縮遞縮  
歲時之景重輪重珥為當伐之休祥行疾行遲是何人  
之馳騁但見乎耒往天心舒陽慘陰浴咸池而杲、逗

經鉅堂校錄

斜漢以沉、作仰之弥高自可侔於聖德非幽不燭因  
取象於君臨藹、晨曦亭、夜魄覆盆雖隔於照燭圓  
盖寔資於輝赫運行不息四時于是乎成功遐迩具瞻  
九上以之而先宅觀其日之始也升若木拂扶桑光天  
德兮臨八荒龍吐燭而氣壅蕩尽鳥騰晶而魑魅潛藏  
予以瑞呈五色予以明列三光月之始也出金天哭瑤  
水光天德兮照千里兔奔而形挂影時搖蟾躍而露華  
輕委予以輾碧落而皎兮予以掩琳星而唱彼厥象昭  
然斯為得天附高明而能久蘇物彙以无偏行中道而

曠隴九彰聖代迓左旋而出沒暗送流年我國家道契  
圓明功齊剋修五紀以叶用照万邦而取則夫如是  
叔寶之徒且詠詩於帝德

四時和為玉燭詩

堯舜欽天日羲和正曆時銅渾列辰象玉燭照華夷真  
宰潜能秉飛廉詎可吹祥光長赫矣佳號得温其啣處  
非龍首燃來豈鳳脂皇明方比盛鑑物自无私

授節度使兼中書令西京留守麻

門下周官重八柄之權掌之者方為崇顯洛食啟二都

之地分之者必在勲賢具有族茂山西功高天下畫像  
早焉於麟閣分茅繼擁於龍旌將肅征伐之勞宜委居  
留之地具官某名標鉄券勇號翅人英雄而夜拜長星  
力扶興運慷慨而自拈大將誓立殊功爰膺推轂之榮  
累荷殿邦之寄開白門而勅死已靜邊烽按黑稍而揚  
威克申戎律加以師貞之外理本尤精得士心而料敵  
先遺求民瘼而所在称理輯瑞而无違觀礼獻琛而頗  
見勤玉尊周之大業弥隆分陝之重權斯委仍加右相  
式重大臣於戲舜號納言周称内史極尔人臣之位表

子京邑之雄勉伸夫輔之勞元忝宗高之命可依前件  
除右拾遺諸王府記室參軍

勅朕藩屏家邦封崇子弟凡于王府必擇時才以尔具  
官某文行素高才識兼茂俾為記室仍例諫垣庶令謇  
謇之臣体我親之旨或裾載筆尔其勉之可依前件

允边上節度使入覲批荅

勅某初上表事具悉卿心思就日役在防秋屢拜封章  
堅求朝謁載叙雲龍之會請離雞鹿之閨况聞才斗无  
声烽烟罷警足可別雲中之巨鎮歸日下之長安慰予

經鉅堂校錄

依  
鷺領之思遂尔鴈門之懇覽奏嘉尚再三不忘所請宜

崆峒山問道賦黃帝之道天下清淨

愚嘗歷覽皇王嘉崆峒之所請見軒轅之道光咨有德  
之人所請乎不恥下問求无為之理寧辭乎陟彼高峴  
故得化臻於冲寂功裒於玄黃者也原其雲紀設官弦  
弧立制室尤俯伏以听舍風后周旋而佐帝尚慮其至  
化未敷群生未濟乃訪道於名山欲坐忘于浮世既而  
金根玉輅鳳盖鸞旂萬乘以之願動千官以之悅隨謁

帝者之師吾將學矣庶聖人之道可得聞之于是陳稽  
首之儀揖龍眉之老方初筮以則告俄一言而悟道何  
思何慮靡煩手以乘乾不識不知自垂衣於大寶喪天  
下於忽焉得環中於自然既純聖以棄智但牧民而御  
天姑射神山只在廟堂之上華胥旧国不離樽俎之前  
徒觀其御彼六龍齊手一馬尚恭默之至道闡希夷之  
大化因夙務克清壽域之中物態熙然尽到春台之下  
故得黜彼聰明端居務清罔象之珠有耀出虛之樂无  
声豈比夫舜咨八元方為求理堯咨四子而後化成者

經鉏堂校錄

哉我國家尚黃老之虛无削申商之法今坐黃屋以无  
事降玄纁而外聘有以見萬国之風咸歸乎清淨

五老化流星詩

五老知符命皓然共効靈遊河方告瑞入昴忽為星接  
武傳歌詠翻身上杳冥來同聚并教去作種榆形鶴駿  
光難認龍圖兆可听至今依列宿高印遠天青

授節度使在銜吾衛上將軍制

門下王者建候行師取諸易象休罔經野法彼天文外  
則藩垣有伏鉞之權內則羽衛重執金之柄向非勳旧

因與僉諧其有盡節皇家策功清廟陟師壇而且久提  
禁旅以攸宜亦既得人乃頒成命其官某將門嚴慶武  
曲儲精曹景宗箭發餓百里嵩世祔連虎當年誓志一  
萬戶之侯封絕塞立功五十營之兵事考勲庸而進律  
分茅土以殿邦克彰作翰之芳靡怠餼琛之禮一昨傾  
心象魏迷眩京師載成魚水之歡宜授介牙之任尔  
戎嚴黃道警肅紫垣致高枕於宸居是予繫頓法鈞陳  
於瓊衛在汝恪恭於戲以上將之雄兼仕官之重世祖  
微時而健羨趙才沒世以垂名勉繼前賢勿替休命可

經鉏堂校錄

依前件

誠諸王詔

勅朕聞五帝官天下而禪讓于賢王一家天下而封樹  
其子德已薄矣可不慎乎尔等生帝王之家承祖宗之  
度各踐王位且无軍功不知稼穡之艱難但受崇高之  
富貴宜循礼法勿紊典彝慎尔所為必思有益朝謁之  
暇反悌為娛以德以年雍穆汝或不子予取獨親  
勉行忠孝之風勿以家國之念佩服遠訓无或忽諸

賜漢南國王生辰金銀器鞍馬詔

初漢南國王星辰垂慶邦國有无咎陶感雲虎之祥寬  
符帝舜仲甫降嶽神之貞爰佐姬周誕靈既在於茲晨  
錫命且遵於異數盖松柏後凋之筭表君臣道合之恩  
與國同休子所願也可賜卿金銀器物鞍馬等如別錄

王黃州小畜集卷第二十六

王黃州小畜集卷第二十七

射宮選士賦

能中正鵠男子之事

稽古夫之射也觀容禮別賢能建澤宮而洞啟萃貢士  
以雲蒸選于里舉于鄉待時而動張其弓挾其矢揖讓  
而升正鵠既設聲詩乃登有以知君虛之義洽有以知  
禮樂之道與豈不以行高於人藝惟於眾與鄉老之存  
克諸侯之貢試其射也當仁而雖有所爭考以德焉合  
禮而與資偶中徒觀其射法有科因樂有聲未蘇之詩  
既作翹楚之枝斯呈非取其十發而九中在合于二節

而五正必也射乎蓋觀德而飾禮不夫哉也由体正而  
心平是以大射之儀既孤而剝水選士之義乃張侯而  
設鵠九賓既序二耦為屬予以定隆殺予以分榮辱与  
於祭者所以昭乎罷光削其地者所以行乎誠勗是故  
五等相參罔遺之子男多士至必命之鄉里其中也  
得為王賓其爭也是謂君子取于德而不尚于力非躄  
甲而射之求諸已而不返于身乃審固而中矣是謂絳  
志孰云王皮煥手得矍相之義洋然有闕里之儀所謂  
禮无違者故得人皆仰之士有遊六藝之場抱四方之

經鉏堂校錄

志雖中鵠而有立尚屠龍而為事將射策於金門別取  
穿楊之利

東風解凍詩

習：氣初通域：勢自融綠波歸旧水寒片漾和風暖  
想千溪綻吹疑一夜空鷺翹休映白魚躍乍翻紅繒裂  
方塘上涼流巨壑中漪連還皓渺潁賴濟川功  
授御史大夫可司徒門下侍郎平章事制

門下坐霜台而司憲振肅皇綱踐黃閣以持衡緝熙帝  
載春惟重柄允屬純臣其有首冠篤行位崇烏府美印

之名已著和羹之命爰行具官某克殿神羊舜庭威鳳  
五色燦補天石之四方現測景之規儼威容而青女司  
霜荐祥瑞而黃人守日爰自位尊亞相導切致君挺屈  
軼以當軒雖能指傷臙餘隍而在岍宜命濟川趙堯已  
振於威稜邠吉佇觀於調變式耀三台之位仍加五教  
之資罔敢汝私蓋從師錫於戲君之命相唯過失是求  
相之愛君唯公忠是奉勿拂人欲勿依予違濟福壽而  
和陰陽寔有望于汝也往欽哉可依前件

恩錫宰臣一子可尚書水部員外郎制

經鉏堂校錄

勅公共无獨親之義帝皇有延世之恩爰奉旧章特覃  
慶澤惟尔嚴父為予大臣嘉其調之功命及超庭之  
子俾升華省仍列清曹乃舍雞舌之香式耀鳳毛之貴  
嘻古人有垂白即署者尔起家居之榮亦至矣慎守大  
君之命免訛世錄之家負薪構堂勿忘古訓可以依前  
件

除左拾遺直史館可開封府判官制

勅朕命大臣尹茲京輔厥惟佐朕必慎其人以尔具官  
其位列諫官朕兼史氏俾就試難之任式彰不器之才

乃自諫垣倅于天府裨贊之道尔其最：哉可依前件

歸馬華山賦

王者無事歸獸西岳

聖人以文德昭彰放戎馬兮功齊武王望三峯而縱逸  
見萬騎以騰驤噴雪眠沙罷飲長城之窟嘶風亂草咸  
歸華嶽之朝當其鎔鑄五兵蕩平九野舜朱干以在上  
振木鐸而化下于以未遠人于以却走馬塞垣既靜何  
為風駕之虞因步方清莫有生郊之者所以散屈產之  
乘解渥洼之駒嘶北風而何益患南牧以應无朔改生  
時免听龍頭之水秋霜落處寧啣關上之榆已而血汗

經鉏堂校錄

林墜蘭筋不遺出皂棧以弄影入青山而解轡芙蓉峰  
畔爭翻歷塊之蹤邏迹城边詎見防秋之事是何驕  
駢：星分電飛十二就之華纓不却五千胸之翠額如  
歸過岫幌以長鳴作来天既出雲関而互躍似哭兵圍  
永別戎車長隨野獸在黃之病何有赭白之紋自瘦既  
无取於代勞亦奚資於禦寇寧疑旌旆映片之朝霞  
受謨錫壑響冷之山溜寧載駟而載馳任自東而自  
西散乱浮云之景奔騰逐日之蹄認巨靈於按轡想石  
鼓於聞鼙免隨掉鞅之人揚塵紫塞非有英雌之費朽

小齋集卷二十七  
骨清溪美矣夫帝道方行王師既鑠取威罔在于去器  
耀德唯矜於朽索有以見太平之業兮邁前王可登村  
秦岳

笙磬同音詩

鼓簧名本異拊石意何同吹擊雖殊致聲音忽暗過惟  
將薛谷韻潛合泗濱風莫問天補主休尋入海工鳳鳴  
應不辨獸舞自難穹古樂何人會須知政在中

節度使起復加雲麾將軍制

門下三年之喪萬古通制雖人子盡苴麻之禮而將軍

經鉏堂校錄

有金草之文方資禦侮之功爰奪情之典其有土茅  
作翰風樹成悲旧章雖听於終喪優詔宜從於順變具  
官某垂天迅翼躍治祥金當時命未來鴻鵠曾差於壠  
上泊風雲得便蛟龍不在於池中勇爵素高憇官斯至  
築韓坛而岳岳持漢節以風行旌旄方慶趨庭荼蓼之  
悲於陟凡已過絕漿平日難終泣血之時是宜降丹詔  
以推恩許墨線而從事仍加爵秩式表哀榮於戲執戈  
衛社者惟臣之忠立身揚名者惟子之孝將顯父母勿  
忘君親勉樹勲庸元忝光寵可依前件

允淮海國王乞落大元帥批答

勅淮海國王所上表事具悉惟王奄有全吳世尊中夏  
齊封呂尚得專諸侯之征魯祭周公宜用天王之禮一  
心奉上五世其昌爰歸京師且獻國籍乃疏王爵兼領  
元戎匪示等威蓋旌夫輔王知止不殆謙尊而光既避  
位以拜章可優賢而下詔旌乃賢明之德均其逸之心  
听解重權表台深旨所請宜依

右諫議大夫可御史中丞制

勅漢制大司空之下有中執法之官蓋周官少宰之任

經鉅堂校錄

也彈奏勿法非賢不居以示具官某昌言有聞直道自  
任且從諫署擢在憲台且命爾專道而行專席而坐各  
効糾禁无曠厥官可依前件

賢人不家食賦

賢國之賢家食生吝

聖人以好爵斯思養萬物方法上天朝有代耕之祿世  
無家食之賢含揆羹蒸休隱衡門之下重祠列鼎爭趨  
魏闕之前豈不養正豐財求賢輔國既審像于傳葉亦  
明於舜側馳表帛以雲委揭于旄而杓直揚寂而表  
辭顏巷誰復曲肱憧而而盡赴堯庭自期陳力遂得四

小齋集卷二十一  
門糝：百僚師：蓋知乎觀所養也。匪謂乎飢者食之，考其才而受其祿，象于豐而取于顯，罔敢素餐。盡譽：而无隱厥，惟退食必遜，卜而有儀，是知食乃人天，賢為國寶。克勤乎待士之礼，允叶乎養民之道。法吐哺以具周，笑飲酒之在鎬。當年漢殿，猶聞索米之言；今日商山，不見採薇之老。自然入爵，无愧君庖。有加借筋，竟陳於籌畫；激流休卧於烟霞，不借不奢，豈効何曾之室。載飢載渴，免同原憲之家，得非畝有餘粮，人无艱食。君以禄兮，御下賢以才兮。奉職則知進之人，欲鑿杯而莫得，向

經鉅堂校錄

使民起菜色，時沉頌聲君。築台兮避債，臣採糴兮偷生。則識時之士，雖竊祿以非崇，方今三時不害，百度惟貞。夢到華胥高枕，而寧勞盱食，民躋屆壽，還浮而尽飲。和羹士有併食，儒宮成功文陣，入官未免於五斗，探學徒窺於數仞。將期乎鼎食鳴鍾，寧虞往客各

朝明節觀群臣上壽觴詩

由觀正儲祥，群臣獻壽觴。捧登金殿，穩深照赭袍。光瓌珮和仙，樂衣冠惹御香。玄天共悠久，碧海比靈長。葵藿心无異，鸞鴻翅有行。何當隨近侍，同此祝無疆。

授翰林學士承旨可依前工部尚書平章事制

門下天道无為運五行而亨品物聖人有作設四輔以  
泰蒸民方隆大寶之基宜擇具瞻之位其有老于文學  
久事絲綸貢昌言于頌問之間交古道于典謨之際宜  
從禁苑擢在台司庶符會說之篇式長致堯之術具官  
某尼立孕負昴宿垂精驥有德而可稱鳳非時而不下  
爰自優禁丹禁輝映皇家驅三代之文章雲煥筆下慎  
一人之禁密鷄立朝端諫畋獵而上書請登封而作頌  
步鼈頭而且久歷雞樹而攸宜未離候舌之資更受腹

經鉅堂校錄

心之寄沙隄金印別光東閣之榮鈴索花磚羅赴北門  
之台極人臣之位資王佐之才勉思啟沃之謨勾忝崇  
高之任於戲予為元首汝乃股肱惟公共以為心弗私  
名器事弼諧之歲業用入邦家誠之曷之期太平之可  
致也可依前件

奠故節度使文

故某鎮節度使權重分茅功深衛社塞垣无患累朝而  
時彼長城天道難忱一旦而斷乎右臂收泪對丹青之  
像含酸听鞀鼓之鼓特命申牢往羞烈魄表君臣之大

義俾存沒以息知視且有知察台深意

宣示宰臣已下復百官轉對御劄

朕聞古之王者樹謗本思諫鼓所已求已之過失也季代以還期道云廢七八諫諍之位徒有其名百官轉對之儀稍近于古誠為有益是謂晏章亦既寢之甚无謂也盖以因緣兵革頽靡紀綱在下者希旨而依違莫陳利病居上者飾非而拒諫空數覆亡朕嗣守鴻臚躬親庶政將欲立无過之地行不諱之風凡尔立朝宜遵旧典俾嘉言之罔伏期擇善而是從仍付有司悉依故事

經鉅堂校錄

宰臣庶位申朕意焉

大合樂賦

天地之孔張樂維義

王者作樂崇德用高事天周大合之奏也暢至音於自然本乎人心風俗以之而變矣考諸古道神祇于是而降焉豈不以木樂之制聖人能事予以導淳和之氣于以室嗜慾之士心必使律呂克諧宮商有次絕靡之邪声表愷之于大義以此感人而人悅以此荐神而神至其用也非以蜡以六宗其大也必父天而母地見音德之孔昭信同和而有自又何止百獸率舞丹鳳來儀

亦將動孝思於嚴暢配和樂於華夷繳如繹如所謂樂  
之大者載考載拊乃得神具听之徒觀夫其儀濟大  
合之樂兮發以礼于以用之兮配至誠於祖禰其声洋  
洋大合之樂兮發而有章于以用之兮表至德於皇王  
匪但崇牙設猛簠張金石間作干戚成行然後稱為雅  
樂哉議夫樂之設也非管非籥樂之用也唯淳唯朴若  
非審音以知政安能制礼而作乐听之忘味佞邪之道  
弗興和而不淫廉正之風有竟是以大今之樂雍、用  
之於圓丘方澤施之於除鼎登封豈鍾鼓云乎始悅人

經鉅堂校錄

之耳目異鏗鏘而已夫盛德之形容我國家詔護登歌  
咸英尽美復夔樂于正雅黜鄭声於恣憊自然天地效  
靈耿休光於大祀

甘露降太乙宮詩

甘露霽長空垂休太一宮瑞光經日在聖德与天通如  
体霑衣白凝脂間葉紅淋漓滴層漢頌眎駭童瞳五色  
名難比三危味莫同祇應書信史千古仰玄功

賜天下酺五日詔

勅古者禁諸即飲所以節用而豐財賜以大酺所以布

德而施惠禁之或慢則廢穀滋多賜之不行則屯膏是  
歎稽乎歷代寔曰彞章自唐室亂罹中原多事廢茲恩  
惠積有歲年朕負荷丕勗躬親庶政唯思旰食弗敢酒  
荒幸以宗廟降室乾坤垂祐屬方隅之无事思熬  
同權特降五日之醕式表一人之意可賜天下之醕五  
日仍令所在官給酒食

批荅南詔國王請東封表

勅南詔國王其所土表事其悉仰勤王歲久望闕情深  
特推北拱之心遠有東封之請嘉賞之外愧耻良多朕

經鉏堂校錄


聞封禪之儀皇王大禮苟非功格天地澤被昆虫雖力  
行於一時終取笑於千古矧在京德敢誣介丘况燕土  
未平河流屢決中夏之俗罹于羌戎多稼之田墊于水  
潦一念至此惘瘵乃心而又郭叅江茅東鷄西鸛未知  
有也泰山梁甫匪予意焉卿當善育人民謹奉正朔登  
封之請以俟治平誕布朕心固宜知悉所請宜不允

授藍田縣尉可右拾遺

勅王畿擇禍諫署曳裾清要之資非才不授以尔具官  
其以文學登第以廉平効官特從侍從之班副我歲規

之望朝有遺政尔其拾烏勿虛諫垣以忝休命可依前  
件

王黃州小畜集卷第二十七



經鉅堂校錄

王黃州小畜集卷第二十八

右衛上將軍贈侍中宋公神道碑奉勅撰并序

皇帝冕而躬耕之明年端拱紀號之二祀夏五月戊戌  
上將軍邢國公薨開寶皇后之父也于後唐為外孫于  
漢室為駟馬上聞之震悼有詔報視朝一日贈侍中崇  
威里也嗣子銜恤上軍章請刻石于神道事下相府俾  
西掖掌誥之臣考其寔而文之于是詳求家牒恭用國  
更論次功行直而叙云臣聞仲尼修春秋載王妃之築  
館于長述史記列外戚之世家詩称下嫁于諸侯傳云

納女於天子內所以敦睦九族外所以協和萬邦因副  
馬以紀官著濯龍之通籍其未尚矣可得言焉然而或  
禍敗自貽或賤微為累張教漢祖之子壻孝惠之后父  
親則親矣貫而高之累生焉衛青平陽之所天子夫之  
愛弟貴則貴矣而鄭季之出恥焉加以器盈則覆位不  
期驕呂祿以后族而封王北軍共擊班勇以父功而尚  
主東市被刑簡冊具存驕矜可誡則有世開魯館家嚴  
韓壇享必復之公侯荷必大之門戶長守富貴無忝祖  
宗兼將相之崇高居后妃之親族殊勲懿行溢美於青

經鉅堂校錄

編善始令終騰勞於明代者惟我故廣平宋公之謂平  
公諱倜字仲儉世居廣平號為著姓公以生于西都今  
為洛陽人也其先微子啟以帝乙長子商受庶兄言不  
用以歸周周既亡而封宋盛德不泯列于三仁垂裕下  
延遂忝五霸綿瓜瓞世有其人遠則昌居代邨對周  
勃以責公言近則環丘唐朝並姚崇而行直道至公家  
族門閥益光累贈太子太師追封莒國公諱儼追封莒  
國大夫人李氏大王父母也天德軍節度使開府儀同  
三司檢校太師兼中書令贈尚書令追封衛國公諱瑤

追封衛國太夫人朱氏王父母也光祿大夫檢校司徒房州刺史累贈太師諱延浩後唐義長公主追封楚國大夫人考姚也皆積功累行克致高門翼一謀孫遂鍾余慶先是晉天福初房州太師用二千石為記水關使張從賓之叛也方戡火之公即房州太師之長子也方居幼學爰喪父天晉高祖以公攻政之孤貴主之子存恤撫養俟其成人乃補殿直俾奉朝謁尋遷供奉官時天福三年也重以晉祖常事莊宗有旧君之礼每貴主入見听其不拜時兵戎方熾經費不充惟公之家賜

与甚厚盡而復取亦无倦色一旦晉祖從容謂貴主曰朕于主家无無愛惜但朝廷多事府庫甚虛主所知矣今輦載之下柱玉為憂可命偃分司西京以豐就養因厚遺之且勅留司具晨昏伏臘之用至于醢醢率有備焉既而漢高祖為待衛軍朝堂攸重以公名家子又後唐之出也且夙貴俊秀異乎諸孤欲以女妻之乃命長子承訓奉書于貴主且先以龍衣名馬遺為訓即漢之開封尹魏王也公與貴主拒而弗納漢祖又勅其子曰宋氏不諧勿復見我矣貴主知志不可奪遂許之及漢

祖出為北京留守表公偕行因補衙內都虞候七年漢  
祖使公修朝貢之禮成而退恩寵有加特授銀青光  
祿大夫檢校右散騎常侍兼御史大夫上騎都尉充北  
京武德副使少主嗣位改北京皇城使尋遷檢校刑部  
尚書輕車都尉時開運元年也三年加檢校尚書右僕  
射上輕車都尉屬疆場失守戎虜亂華漢祖首建義旂  
遂成大業睦姻行度公寔首也授金紫光祿大夫檢校  
司徒守右金吾衛大將軍兼御史大夫上柱國廣平縣  
開國男食邑三百戶駙馬都尉世祖徵時常義執金之

經鉏堂校錄

仕魏朝納壻但求傅粉之容兼而有之斯足貴矣時漢  
氏雖建大號犹用晉祖之正朔即天福十二年四月也  
九月加光祿大夫檢校太傅行右金吾衛大將軍充街  
使進封開國伯增食邑四百戶賜開國奉聖功臣既而  
改紀年之號覃在宥之恩矧茲勲戚之家固被便藩之  
澤乾祐元年加特進封開國侯增食邑五百戶少主嗣  
統也在諒闇之中念藩垣之重乃以斧鉞付于親賢授  
檢校太尉使持節利州諸軍事行利州刺史昭武軍節  
度使利巴集等州觀察處署等使進封開國公增食邑

五百戶實封二百戶改賜開國奉聖保定功臣嘉川異俗綿谷旧封素推設險之邦運伏建侯之利位義掌武不亦優乎二年十月出鎮滑州增食邑五百戶寔封二百戶外韋旧都虛昌右郡貞莊師律初登南鄭之壇藩翰王畿寔主北門之管年犹未冠議者榮之无何將相分推君臣失道周祖出潜淵而或躍知寶命之在躬哉蒸之功已請於西伯升階之衆遂指於南巢公動識畿微深明禍福以為不周已拆建一指以難扶大寶有歸順三灵之改十周室肇基慶澤首被徽章廢順元年增

經鉅堂校錄

食邑一千戶寔封三百戶改賜推誠奉義翊戴功臣三年春丁楚国大夫人憂哀毀過礼親族憫之服闋授左監門衛上將軍增食邑五百戶寔封二百戶礼卒通表恩隆近侍周廬有坎壞閭闔以无虞羽衛載嚴致華胥之甘寢世宗之伐淮夷也公寔從焉授右武軍衛統軍壽州行營副部署兼在廂排陣使属王師漸老戎輅再征江南大率舟師次于東沛洲下斷我蘇杭之路也世宗遣公率戰艦數百艘以襲之且命襄師慕延釗領輕騎登陸而進与賊遇于江中合勢大戰尽破之時世宗

蒙犯矢石跋履山川多為野廬以駐行闕忽有猛虎近  
于乘輿公引滿注之一發而斃叛禽之邦既摧枯而拉  
朽啞人之獸復食肉而獲皮豈比乎樓舡將軍徒矜水  
獸射声拔尉但署虛名而已哉既而劉瞻委誠納款李  
景割地称臣班師旌淮甸之功議賞復滑臺之禽五年  
五月授義成軍節度使其制略曰長驅下瀨之師若涉  
无人之境夷亮戡難尔既立於殊庸礪岳盟河予豈忘  
於豐報云南燕田邦北闕孔迤河壩作翰遥臨白馬之  
津讓下統我即鎮卧龍之地十二月移鄧州武勝軍節

經鉏堂校錄

度使六年世宗以焦芳厭代恭帝以冲幼承祧方賴勳  
臣爰崇異數授開府儀同三司增食邑五百戶寔封二  
百戶 我太祖神德皇帝象叶木階功高大麓願命雖  
同於伊霍謳謠不在於丹商樂推而逼乃民心揖讓而  
授茲神器惟新布禽方隆萬世之基金念旧推恩乃冠三  
師之秩建隆元年授檢校太師增食邑五百戶寔封二  
百戶于時李重進凶猾无厭跋扈有狀公明惟先見志  
在奪謀飛章述其苞藏密旨委以經畧故有通州巡警  
之後焉既絕南奔之路遂下東平之詔重進奸謀果發

王命不行 太祖親御六師直抵孤壘以公為揚州行  
營排陣使列牧野之東徒法常山之首尾師方因壘誠  
以復墮格苗不行於七旬圍蔡止勞於九日蕩平凶豎  
公有功焉飲至之辰首膺藏渥七月授廬州保信軍節  
度增食邑五百戶寔封二百戶旌戰功也合肥重鎮巢  
國右壘雖張遠守藩克清淮海而子牟恋闕終捨江湖  
四年夏十乘來朝三峯改鎮授 州鎮國軍節度使鄭  
桓咸林之地素號豐饒晉侯戶外之田旧推形勝三輔  
既資于鎮撫双旌更遂於優游國家展礼園丘推恩群

經鉏堂校錄

后錫之懿號疇以井田乾德元年增食邑五百戶寔封  
二百戶改賜推忠宣力保義功臣是歲 太祖以坤道  
闕儀中宮虛位以公之世有行義可以合礼文以后之  
天資法相可以当人主初求輔佐遂上宮闈沙麓林微  
果叶母儀之貴睢鳩雅典聿興王化之基亦何必射孔  
雀以設奇鑄金人而語怪然後称其神異哉既列外姻  
乃移近甸五年授許州忠武軍節度使開寶元年增食  
邑一千戶寔封四百戶改賜推誠軍力同德保義功臣  
假鄭伯之田時惟重地加紀戾之爵盖有前開三年授

邠州靜難軍節度加押番落等使指公劉之旧壤位重  
十連異魏冉之出關從車千乘四年冬以郊礼需澤加  
食邑一千戶寔封四百戶八年冬平東吳之列國九年  
夏幸西洛以告成乃賸庶邦咸均并賦增食邑一千戶  
寔封四百戶俄而太祖以南巡狩蒼梧奄逼上仙之數  
東園西梓遂纏同軌之哀 我應運統天睿文英武大  
聖至明睿孝皇帝飛龍在御元龜告符大橫庚：重叶  
熙于棠棣小心翼：賚允澤于藜蕭公奕世將門先朝  
內戚專征授命已持閫外之節旄爰立登庸更作人間

經鉏堂校錄

之霖雨授同中書門下平章事公既荷寵章乃修親礼  
輯瑞有光於文陛建日復命於名藩二年冬授同州定  
國軍節度使內史同判長春古宮澤湧若泉昔謂豐年  
之地草連沙苑斯為救馬之邦殷戎大邦寔惟旧德三  
年冬皇上初陟春坛大宗方岳增會邑一千戶寔封四  
百戶泊我后太平并冠親御戎衣公以扈從之勞享時  
庸之典四年冬增并賦真會如三年之數越明年胡人  
犯塞法駕親征隨行於鄴都委邊事於橫海以公知滄  
州軍事州擁左馮之旌旆臨滄水之封陞委注方隆威

望愈重尋以边方罷警朝命就藩六年冬上祀昊宮再  
陳柴燎爵邑之等率有異馬封邢國公并賦真食如軋  
德元年之數九年六月奉詔歸朝登于禁衛居中制外  
爰陞拱極之班以逸代勞亦示優賢之礼出入之重又  
何加焉授右衛上將軍雍熙元年冬增食邑五百戶郊  
天之澤也三年詔本官知霸州軍州事未几徵歸荐居  
環衛皇上方耕春藉復益邑田加食邑如雍熙元年之  
數是歲公再受命兼判左右金吾衛仗事總綺二百尅  
靜神州金門九重遂成高枕徼巡无怠儀位有光方將

經鉏堂校錄

起灞陵夜獵之娛赴瀚海防秋之役而後宮親屬終夕  
次於闔章絕塞功名遂不侔於寶憲齒髮向暮寒暄荐  
瘡中使御醫旁午于道寢于此牖欲二豎之為後升自  
東榮遂三呼而不復享年六十有四即其年冬十月二  
十五日葬于河南絲龍門鄉宮南里從房州太師之塋  
礼也詔以中使護其喪事先夫人劉氏晋天福中封彭  
城郡君開運中進封郡君皆從夫人之貴也漢祖開國  
封水寧公主乾祐中進封秦國長公主周顯德中改封  
彭城郡夫人尋進封京兆郡夫人公之將葬也開寶皇

后泣血上言請加褒贈特詔追封曹国夫人非常典也  
惟夫人素稟肅雍早從厘降雖穠華已謝而蕙問長存  
天蔭本高不繫夫而命爵母道克脩寧為子已求即用  
能符芳月之嘉祥誕配軌之陰教新野封君之號雖漏  
典異文靈園邑之儀更先泉壤繼室以龐西李氏故保  
大軍節度使洪義之女也開寶中封龐西郡夫人先公  
而亡象服是儀求歸同穴今夫人彭城劉氏故左省常  
侍悅之女也太平興國中封莒國夫人柏舟自誓常欲  
未士有子十人長曰元吉絳于西頭供奉官次曰元振

經鉏堂校錄

終于邠州節院使次曰元靖西京作坊副使次曰元規  
前同州子城使次曰元度前同州親事都頭次曰元方  
終于同州山河使次曰元載元翰俱未仕一子幼而未  
名皆早聞詩禮不墜箕裘萬石君之子孫世惟朴謹寔  
太后之兄弟人言退讓承家翰蠱未易可量女十五人  
開寶皇后即其長也次適西頭供奉官鄣守能次二女  
皆早亡次適孟隆諡即右龍武衛統軍方詰之子也次  
適曹守讓即左驍衛上將軍判金吾衛伏事翰之子也  
次適西頭供奉官高處榮即渤海王懷德之子也次適

董嗣顯即故通遠軍使遵誨之子也次為比丘尼名惠  
圓余皆幼天母弟三人故宮苑使延業即其仲也今莊  
宅使益州內外都巡檢煦即其叔也叔氏有子元與進  
士第補秘書省著作即直史館秀而不寔今也則亡故  
許州衙內都虞候延稹即其季也其子女兄女弟犹子  
令孫殆三十餘人譜牒備存此不復載或鶚立周行或  
蟬聯甲族畢萬家之既盛固有本根陳完之後其昌可  
知光大惟益部巡檢出自將家雅好儒術雄材偉度朝  
論多之惟公生積德之華宗居累朝之懿戚富而好礼

經鉏堂校錄

貴而不驕始以勲德之家特膺選尚終兼廟堂之位遂  
極人臣功名享八字之褒封食疏萬家之賦至于姬公  
太師之任黃權開府之資上柱國楚之罷官上將軍漢  
之重柄位列亞相爵為國公再居金吾再處瓌尹家出  
帝后室惟貴主藩籬八鎮周旋四紀有武功以書史有  
世祿以傳家列振之子孫啟渠之夏屋出則建牙  
開大幕有調戈玄甲之徒奔走于戲不下有影纓結珮  
之士羅列于初蓬入則提介圭峨武弁有彤弓湛露之  
樂讌饗于朝公有乘車文馬之賜勞來于私第家祭五

廟陳樽彝分器之數食具萬錢得鳴鍾列鼎之盛而年  
 將耳順命以考終人元間然可謂達已昔人云躍馬肉  
 食者四十三歲器何小哉前史稱朱輪華轂者二十三  
 人禍亦大矣始終無悔公寔有焉宜乎刊勒豐碑光表  
 幽宅俾我休烈与宋无疆者疾臣掖垣備位論議非工  
 受明命之已行率謏聞而塞戕五月而奠素車方會于  
 同盟百代可知樂石願垂于不朽銘曰

天地之道 曰剛与柔 后妃之德 在河之洲  
 為内厘降 塗山好逑 乃睦九族 乃親諸侯

經鉅堂校錄

大國之援 外戚之助 史不云乎 列侯尚主  
 詩不云乎 大邦有女 夫婦以正 國家以固  
 日中則移 月暘則虧 富祿后族 人得誅之  
 梁冀外家 鬼其斂而 簡冊具載 居商必危  
 休哉宋公 勲威累世 唐之外孫 漢之主婿  
 乃生聖后 作配堯帝 富貴崇高 光華譖系  
 維公之始 生于紂綺 晋主撫之 同乎已子  
 漢皇妻之 寔為知己 曾未弱冠 剖符千里  
 維公之中 深用通变 鶡冠環衛 虎帳臨戎

壽春維揚 寔有軍功 連移巨鎮 克振英風

維公之終 我朝懿戚 為將為相 以年以德

罷殿侯邦 乃月瓌極 能執干戈 以衛社稷

嗚呼勳賢 弗登大年 薨于路寢 像例甘泉

恩隆賻贈 罷賁貂蟬 功未輯 遺恨依然

其誰祔之 永寧國邑 昔也築館 秦樓岳立

王姬之車 星繁霧集 今也同文 沁園雨泣

貴主之攻 烟愁露濕 其誰哭之 開寶宮中

昔也歸寧 車服有容 爛其盈門 姪娣以送

經鉏堂校錄

今也哀凶 怙時弗終 號天罔極 鞠育何功

乃會同盟 乃先遠日 丹旣悠 佳城鬱

薤露凄咽 林阡蕭瑟 萬古龍門 豐碑屹

前晉州刺史康公預撰神道碑

立功名之謂賢齊得失之謂能悟生死之謂達王者有

一則可謂間人矣况兼之乎其誰則然吾見于康公矣

公諱延澤字潤之代北人也其先蓋夏后氏之苗裔曰

淳維世有北土自立君長其于別處康居者即始也祖

西漢時康居國王納貢于人單于其後單于內附遂有

雲中以國為姓曾祖嗣皇任蔚州蕃都知兵馬使累贈太子太師祖諱公政皇任代州都知兵馬使累贈太師考諱某皇任河中節度使檢校太尉兼侍中贈太師諡武安公其世祿世功載在武安碑此不復書公即太師之次子母衛國夫人高氏晉天福中起家補東頭供奉官歷漢建周垂二十餘載艱難險阻靡不備嘗以功轉染院副使我太祖神德皇帝之開國也以荆湘未下詔宣徽南院使李處筠襄帥慕容延釗出偏師南討而公寔從焉時江陵高保融死朝議以其子繼冲權領軍

經鉅堂校錄

府因命公齎壺書乘騎馳以弔撫焉且覲便宜二帥留襄陽以待之公宣諭而迴尽得机事前導師旅長驅而南平定荆湘易于拾芥尋轉染院使監護荆南軍賞之功也乾德中受代喘朝會國家有平蜀之後詔公為北路前軍都監至固鎮主將王全斌請公領軍先入已為張萬友佐焉尋擊白水閣子二寨破之勸兵會乾渠渡下蜀人恃險出萬仞塞以待王師以公与萬友選死士百人先登水西寨以兵繼之縱火燔燒柵木俱尽遂取之明日全斌中軍方至乃合逼置口走之遂下興州与

夔峽兵合進擊西縣三泉生獲偽吳元節度使韓保貞  
公皆有力焉由是乘勝討逐越大小漫天累戰皆獲赴  
利州夜半拔之蜀人由桔枹江以道乃燒浮橋保劍門  
而恃天險也諸將方議進擊会有蜀卒有來降者自言  
知山川道路且先告曰自益光江東有路曰來蘇直抵  
劍門南二十里蜀人設寨柵以扼之此一復徑也于是  
王全斌欲自來蘇路文諸將莫有言者公曰來蘇小路  
無煩于主帥可使偏裨以副大將親扣劍門而劍門精  
兵所聚也且蜀人聞來蘇之軍入必分兵以禦我此必

經鉏堂校錄

克之勢也乃舍公与史延德往馬公曰書称後我后、  
來其蘇今之路名來蘇天弔代之義也遂捨車馬披榛  
梗而蜀師王昭遠趙崇韜果留小將守劍門引軍于青  
强店下由是王全斌克劍門獲王趙二帥席捲而西矣  
時蜀世子方誥統銳兵守綿州聞劍閣不守乃弃城而  
去蜀主遂令伊審徵秦表歸順王全斌因請公以一百  
騎先入成都安撫軍民且伺必降之意是時蜀国餘兵  
尚有七萬公生也人情危之公既全以二十騎自衛入  
見蜀主諭以禍福示以恩信蜀之君臣舞蹈感悅留三

日盡封府庫齋魚鑰而還全斌等遂平蜀國遣蜀主帝  
于京師詔公為成都府兵馬都監而蜀軍復亂且以命  
師雄為首所在殺知州通判以應普州劉澤遂州王可  
察果州宋德並授師雄偽署朝廷以公為普州刺史公  
諸詣全斌請公衛兵處理所與公四十八人公發成都至  
普州招敗亡之士得刀手一千人取器甲以給之乃教  
戰陣立部伍擁之而去至郡境有賊甲雕領眾五千人  
來犯公一戰敗之而擒七百人授偽命者立斬之一百  
輩余皆釋之乃是榜示人諭以逆順招集團結得刀手

經鉏堂校錄

三千人而敗劉澤三萬人自是賊勢稍沮公雖普州廨  
宇盡為煨燼乃依山設屋杈駐師徒而兵亂之餘又无  
食可守公披據群盜且行直至遂州輦運儲蓄以至成  
畚鍤靡不具馬既而王可察等數郡賊兵合勢來战公  
又敗之遂至合州赴江溺死者不可勝紀未半年普遂  
果簡昌合等六州飛奏以聞優詔褒美且命與曹璨充  
東川七州招要巡檢使仍賜錢物委公等巡軍賞給自  
全師雄亂後東路艱難賊害使臣抄掠殫盡者多矣時  
師雄雖死賊眾尚有萬人立謝行本為主以羅七君等

佐佑之間公警巡望風而遁遂以賊眾保于金堂非公  
所部也公乃越境以討之賊眾又遁因駐師以待焉卒  
平狂寇先是金堂新都洛縣等民為賊逼脅皆饋餉資  
給之公則出令招誘許以自新約自不來无少長皆殺  
民婦之者万餘戶咸得安堵輸稅具官故民心有怀賊  
竟自潰加以王全斌等同心經營兩川悉平及奉詔班  
師主將獲罪皆以殺降兵受蜀之賂故也黜公為唐州  
教練使天下人皆為公惋歎公處之自若不出怨言惟  
築室墾田聚書訓子而已十年間闢州菜植桑拓居必

上遂為富家：至于今賴之開寶末 太祖幸西洛祀  
南郊始起公為供奉官留監左藏庫今上即位就除左  
藏庫副使兼水北星成大內巡檢又召公東京畿巡檢  
使俄而之公犹子亦人皆恣用家財不事生產公以礼  
義勗之及生怨懟乃過登聞鼓願祈祖業以自給詔公  
以理處割事未定會靈昌河决公受詔塞之諸子復訴  
公違詔遂罷使或退居洛陽不數年向之犹子已飢寒  
于道路矣上躬耕之歲會恩例常起杖河南尹許仲宣  
頗相劝激公曰三代為將道家之所忌吾自蔚州太師

而下世傳將帥今幸功名以繼祖禰年享壽考運逢理  
平使子孫去孫去燾韃轅縫掖熙々自樂以終天年吾  
願足矣吾嘗讀李廣傳見其兵敗削為庶人幸匈奴犯  
邊被召而起及軍吏責薄自劾于帳下欲望灞陵夜獵  
其可得乎古人成敗取則不遠以老疾為辭而秦其二  
子烏淳化三年公七十有木矣一日謂其子懷珪曰吾  
衰耄若此死在朝夕苟以先太師之灵得保首領以沒  
于地吾无恨也熙吾有平蜀微功思預刻吾墓其誰能  
之吾聞高山王副使日直紫微有文称于代又嘗任長

洲宰時汝為姑蘇從事亦同僚也試為吾請烏懷珪曰  
預凶事非礼也且心所不忍公曰此人子之大情名教  
之旧制也吾則不然且古之達者以生為寄以死為歸  
今吾官歷二千石年踰七十六垂不死而安歸乎吾欲  
生前自視其文知辭无愧而功不誣也懷珪不得已命  
其子齋書而來某據事狀次而書之大率平蜀之功公  
居第一誰而辯之其功有五其先入蜀境擊白水閣子  
二寨開王師破竹之勢其功一也徑入來蘇分蜀人青  
强之力使劍門之勢解其功二也以二十騎入見蜀主

其功三也以四十人定普州其功四也越所部擒羅七  
君其功五也至于謨議机杖賞罰威戮所不尽者有公  
之自著平蜀寔錄在焉初全師雄之乱也諸將議殺降  
兵二萬七千人恐為内應公独請擇老幼疾病者七十  
人釋之然後起二万人以十人為率皆及接之若連雞  
貫魚桴江而下以兵衛之叱賊衆知之可二百里矣若  
寇未劫奪殺之于江如此則殺有名矣不見用可謂仁  
乎後國家議罪果以殺降焉名有先見之明不免于戾  
者命矣夫公形貌魁傑知謀宏遠剛而有變勇而能位

負將材喜兵法雖為王公之子耻以恩澤封侯故能立  
功当年齊得共以知命悟生死而无惧雖古之名將世  
之達人何以過此与夫伏劍而悔降兵仰為而地脉者  
不亦賢乎公始娶秦氏蔚州別駕某之女也先公而亡  
男五人長懷丑進士不第早亡次懷璠前平江軍節度  
推官試大理司直次懷理以親韓家未听入仕次懷環  
懷璉並補三班奉職孫二人贊奉進士贊臣尚幼公再  
娶李氏封龐西興君秦王儼之第七女也以某年某月  
某日終于西京私第某年某月某日葬于某鄉某里礼

也銘曰

神德皇帝 駕馭英雄 始即南面 乃平西戎

孰為前竟 時維我公 白水塞碎 未蘇道通

劍門天險 一旦憧 蜀既送款 眾尚七萬

其誰先之 公膺是選 擁二十騎 揚鞭入見

諭以禍福 蜀氏奔怍 事訖而還 王師席卷

全蜀雖定 群雄未收 帝門我公 歐攘懷柔

朝奔一郡 警巡七州 盜賊原野 人服田疇

定功議賞 理當封侯 孰為終校 嗔：吠叫

謫去泌陽 前勳弗較 三月不仕 古人相吊

矧惟我公 十年不調 不調維何 熙：而笑

太祖起之 厥官尚微 我后增秩 暮年有輝

徽巡西終 按察東畿 竟坐家事 終成罷歸

君子知命 達士息机 先人樊廬 可庇風雨

知心知足 何思何慮 慶見曾孫 名揚先祖

謂死為歸 預銘厥墓 不朽之功 永光瓏樹

宣徽南院使鎮州都部署郭公墓誌銘并序

郭氏之先魏叔之後也魏郭声近因而改焉婚閱軒裳

代為著姓自兩漢兩晉而下其間立大功居顯位者不可盡書有唐以來孝恪為佐命之將汾陽王子儀代公元振皆人傑也本大枝茂侍中公當之公諱守文字國華并州太原人也曾王父諱湛贈太子少保曾祖母劉氏追封彭城郡夫人王考諱暉贈太子少師妣趙氏追封天水郡太夫人父諱秉贈太子太傅祖母郝氏追封太原郡夫人皆送公之貴也公即少師之長子少師在漢為護聖軍使送征蒲帥李守貞先登而歿時公尚幼周高祖見而奇之召置帳下旌其事之孤也洎授禪

元年補左班殿直且以銀印青綬崇其階級用國子祭酒司憲大夫紀其官氏上都尉崇其勳代起家之命有足優者時廣順三年也世宗嗣位檢校冬官卿加上柱國時內戒東西兩班各置押班之名又署都知之戒公皆任焉顯德中徧歷禮部刑部二尚書待之雖優用之未至公謫晦而已但以謹愿聞我太祖神德皇帝之開國也素聞知其名建隆初遷地官之長充西頭供奉官三年改大司馬開寶中授大冢宰是時太祖經四方有澄清天下之志勵兵謀帥之外所難者乘使車傳密

之人矣始得公以用之公既以知己之主唯逢亦以使  
者之才自許徃復万里不逾決辰敷奏閑許動中上旨  
西蜀平以公知簡州軍事夷落未化寇攘孔多公視盜  
以威撫人以惠人安盜息公之力焉開寶四年問罪嶺  
表公与其行遠馳捷行數日而至授右僕射翰林副使  
八年下金陵虜虜主是役也公亦往焉 太祖以李煜  
恃險累世勞師踰年慮其惧罪自益有傷國體詔公監  
送之公待以周旋加之開釋嘗謂曰國家止弔苗民之  
頑不責防風之後也以至俘千端門獻之清廟公之智

也太祖嘉之賞賜殊厚九年二月遷左揆政西京作坊  
使翰林職司如故四月封南陽開國男食邑三百戶是  
歲徙曹州節度使竟公潔胡騎於園柏谷大破走之璽  
書慰勞今皇帝即位之始乃作司空太平興國三年以  
西羌弗寧秦隴騷動詔公安撫和輯之丁內艱而歸哀  
毀過禮未几授起復西上閣門使上行郊祀之礼需雷  
雨之恩俾遷司徒以敷五教四年上載木主御戎衣討  
汾晉之邦除腹心之疾以公為河東行營馬軍都監兼  
先鋒使時多為地洞以穴其城且命公提卒納畧之渠

魁面縛戎輅凱旋公寔展其力先是王師之未至也劉繼元以其弟繼文軍于鴈門以張特角至是尚守孤壘以招大戎詔公赴之奔城而遁車駕還以公為定州駐泊兵馬都監冬十月胡馬南下公出禦之遇于蒲城一鼓而潰遷東工閣門使澶州刺史旌戰功也五年冬十月復有常山之命會戎人攻我雄州公承急詔領輕騎以援之狂虜望風而退六年冬上再郊園丘大賫群后加金紫階進開國子增食邑五百戶七年奉詔歸朝明年遷內客省使仍以郡印處之雍熙元年進封開國侯

加食邑一千戶：郊之澤也一年春二月有并州駐泊之命三月就遷武州團練使內省之職不解五月夏州白狄之戎叛公徃招誘之至則張以軍威諭以朝旨誅逆撫順蕃部使之丰年春天奉征燕之後以公為幽州道行營前軍馬步軍水陸戰棹都監其初也繼上擬書累賜優詔公以暑雨將降師老為憂力战方酣忽中流矢公声色不変人莫知之俄而我師不利朝議左遷右屯衛大將軍斯蓋馮異迴溪之敗仁貴大非之失也四年春特拜宣徽北院使充鎮州駐泊北面排陣使端拱

元年上修帝藉祀先農恩例之行乃遷太保加食邑一千五百戶改宣徽南院使夏五月詔許入境听其休沐秋八月召詔便殿付以密旨授鎮州行營都部署二年夏五行兼領鎮定高陽兩路排陣使百戰之師而四七之將萃于是矣公以威愛抚下以和謹御眾有善无毀時論多之方將伸威大漠刷耻踰林焚老上之庭橫行城外擊單于之頸辜致闕下公之志也人之望也天不憇遺忽焉薨歿於十一月九日捐館於正陽公署享年五十有五上聞之泣下特詔輟朝兩日贈侍中皆非常

例也遣黃門護其喪柩喪事之費給于具官以淳化元年某月某日葬于東京某县某鄉某里礼也公娶梁氏封安定郡夫人有子四人孟曰崇德承奉即守太常寺太祝仲曰崇信叔甲崇儼皆為西頭供奉官季曰崇仁幼而未仕有後之義其在茲乎女二人長適殿直張永師潘公之孫末行而平公學軍旅之事負將師之才綿歷兩朝遭逢四主間外之政多識便宜禁中之言未嘗漏露守封疆則夙命援桴鼓則忘身家无餘財軍有遺愛隆年不永大勳未立可痛惜我嘗試論之曰自古盡

策安邊銘功絕城者趙克固班定遠稱為名將然皆年  
踰七十垂老亨荒而後能著其效非一朝一夕之故也  
向使公天假之年二賢之壽則醜虜不足平也見記勤  
銘直書無愧甚銘曰

天難諶兮命靡常固不幸昔人亡公之生兮威加  
北荒何以貴之兮西鉞彰公之沒兮魂遊東岱何  
以贈之兮珥貂煌煌遺英風兮傳屢塞闕貞魂兮啟  
牛岡銘真宅兮照茂績隨地久兮天長

諫議大夫臧公墓誌銘并序

淳化二年春三月詔以右諫議大夫臧公知江陵府事  
四月至理所八月得微恙犹視事不報明年春疾急不  
能出外屏飛奏以聞上命貴人領御醫乘駟視其病  
禮之如將相既而飲藥皆不效肩輿歸京師以五月某  
日終于私第年至十三上聞之軫悼且問其嗣或奏曰  
有子待用未完乃授國子四門助教以其年某月某日  
葬于某州某县某鄉某里執友太原王某哭而銘其墓  
公之諱愚字仲回因夢先洗馬導送其第呼公立階  
下且命仰視曰老人星見矣公夢中知教見黃明潤大

若曷謀所載者再拜而寤私喜曰吉祥也以壽星出丙  
入丁乃名丙字壽壽公十七八始執筆為四六文字甚  
有風彩故兵部侍郎王公祐以監察御史理行宰大名  
之局邑先洗馬事魏王符公彥卿為婁賤每王公詣府  
必厚為供帳館于王第且出公拜而以所業師焉王公  
歎之歎異本此子可教若進修不已當為聞人後奕格  
慕韓柳文頗近闖閥既冠丁父母喪哀毀成疾伏枕者  
弥年家財鉅萬悉以散朋友親戚視之糞土如也產將  
竭而病亦愈遇日者于太行山下言公四十當成名公

經鉏堂校錄

信之因落魄于杯酒之間又雅善音律音章程之伎為  
時輩所推服嬉遊任俠者十五餘年上即位之歲一奉  
登進士第解褐大理評事通判大寧監之所賤煮井  
為鹽先時主事者悉多逋負械繫不減以百人公問其  
故咸謂曰鹽之要在積薪于夏秋煮升于冬春則輯事  
矣向者官給柴之本錢主事者悉為私用薪既不登鹽  
將安出公因取其負而給其價故薪聚如山迄公一政  
亡被責者受代之日而人為之泣下是歲上親征太原  
見于行闕授太子右贊善大夫并冠平以公知遼州軍

事有署偽衙拔劫盜于民者公械送朝廷時以旧染之俗務從寬貸之罔救其罪補復衙戍公以禮待之且約无再犯不踰月而劫盜如故公捕獲之皆磔裂而殉之然後以聞有秘書丞馬汝士者公進士同年也以本官知石州為政嚴急軍民苦之且与監軍不協一夕于公署中割及在腹而斃遂以自尽奏之公上疏理其事于其路曰倘明其負之罪自裁屍更宜更戮苟雪其非辜致斃視亦无寬上覽之駭異遽命按其事且乃召公還便殿与對上問公曰馬汝士過害尔知其人乎公曰人

則臣不知言自尽則厚誣也凡人罪非殊死未有弃其生者臣觀汝士之所謂為畧无私過盖盜憎民怨尔然汝士則一夫之命不足挂聖慮但秘書丞乃是陛下五品朝官今之死既不明於宿衛者亦不加罪臣恐今後書生不能治边郡上為沉思久之勉勞使罷之留監在京之茶庫繼賜錢五十萬遇边郊裡加著作郎太平興國八年拜右拾遺直史館賜銀章朱紱尋加許州在許三年急吏緩民而已遷河東轉運使積粟餉軍边用称足上藉田之歲恩例加尚書工部員外郎置史戍轉輪

如故婦朝授戶部郎中面賜金紫且詔知審官院事上  
重四品官轉司農少卿未几有大諫荆南之命辭日賜  
錢千萬之任而多病卧治而已公為人廉直剛決仁義  
忠信知止足不苟且與人交禮簡而情至故久而弥篤  
焉凡妻之昆弟姊妹之婿接之甚謹雖竟月踰年語不  
及子私襲人以此為難監茶庫時今少府少監雷有終  
以殿中丞与公同事故真定王再入中書叔貴德望燠  
灼天下朝臣得一見与語者自以為榮公月授刺未嘗  
求見而真定使人召公公未至使愛子羽林大將軍承

宗達其意是時某以奉進士第館于公家嘗勸公速往  
公乃修謝啟緘封訖後遷延數日某問其故公曰趙侍  
中而不樂雷氏眾所知矣今某与雷氏同職不告而去  
亦恐招物議因白于雷雷果曰此死地故欲使著作伺  
吾罪釁矣公乃焚其啟終不詣真定其不趨于权势也  
如此惜哉不享上壽不登大用矣夫公之世祿世功  
泊昭穆鄉里詳洗馬誌中公既洗馬長子娶張氏封清  
河縣君子二人助教長也次曰某女一人遠進士楊雲  
卿銘曰

胡為乎有生去來兮靡恒吉夢惟星兮竟亦无徵淨  
生一夢兮營之薨之中之夢夫何覓嗚呼丙父名令

高夢洛陽人

故侍御史累贈太子少師李公墓誌銘 并序

給事中判河南府兼留守司事李公將葬先太師走僕  
求誌其墓行狀云公諱某字某趙郡人廣武君之後也  
亳州團練使太清宮副使諱幹曾祖也秦陵令贈太子  
少保諱豐祖也汝州團練判官贈太子少傅諱涵父也  
公幼孤事母以孝聞有文行為鄉里所稱方將決科名

經鉏堂校錄

取貴任刑師薛懷讓知其名秦觀察副使公以近于就  
養不暇擇祿師移左馮後授記室得吾五品服色丁母  
憂護喪歸洛奔先少傅合葬為制終得盤屋今秩滿歷  
邠州觀察鳳翔節度二判官尋為朝推荐入拜殿中侍  
御史掌梓州推蓋院歸朝奉詔知舒州軍州事時太祖  
問罪金陵弥月未下沿淮諸郡供億百端勤王之功舒  
寔為最公以悅使民以樂輸而未嘗鞭一人呵叱一吏  
而餉饋之用集矣朝廷議其勤就加侍御史以太平興  
國元年八月二十二日寢疾終于治所享年若干以給

小南集卷之二十八

事之始登朝也贈某官入西掖又贈官在中書超贈太子太師夫人周氏政刑州判官琪之女也以孝謹事奉事先姑以慈嚴訓誡諸子賢明之行宗族稱之始封汝南臨穎二县太君又進封汝南郡太夫人淳化四年閏十月二十二日終于東京私第四子長曰沆給事是也次曰贄著作佐郎次曰源太常寺奉禮郎次曰維官與贄同三女長女遠武功蘇昌嗣麟避县令次女遠太原王永孚密州錄事參軍次女遠沛國朱貼孫皆良婿也以某年某月某日祔葬于西京某县某鄉某里送先塋

經鉅堂校錄

礼也公自從事至台端率以寬簡為政所在民吏愛而思之儒雅之外雅好易象老莊之書復能踐其言而行其道外累不入中心晏如居官清不近名直不忤物得俸祿隨手而盡未嘗有意于治生惟教誨諸子早夜无倦餘慶壽積給事當之用是為近臣忝大政文章器度時稱臣賢而立朝之士有識少師者必曰給事履行實得父風及罷政事而丁外艱而執喪食貧殆不能馬礼上聞之歎異賻贈有加維也文孝亦如其兄自余俱成令士三代贈典皆送子貴積善之道豈誣也哉今以二

品之禮莫大師之服斂不亦哀且榮乎初給事直館殿  
知制誥入內署佐中樞而太夫人尚无恙朝請之暇兄  
弟奉觴為壽慈顏既和綵服起舞盡歡而罷率以為常  
每正至入宮壽寧祝聖媚姑相望肩輿煌煌人臣及母  
之榮无以過此非父嚴母慈兄良弟悌時能若斯其盛  
銘曰

李氏之先

廣武称賢

子孫餘

少師燕翼

位不充德

餘慶鬱積

給事堂

邦家之光

庸詎可量

既贈其父

又封其母


積善之報

經鉅堂校錄

孝子顯親

約石于坟


刻為斯文



王黃州小畜集卷第二十八

小畜集卷第二十八

七



經鉏堂校錄

王黃州小畜集卷第二十九

故高州團練使翟公墓誌銘 并序

公諱守素字昭儉濟川任城人也其先蓋漢丞相方進  
 之裔也曾祖諱某皇任某官祖諱某皇任太子少保致  
 仕考某皇任率府公即率府之次子也天福初以蔭入  
 仕補左班殿直轉供奉官自晉至漢時亂位卑祇役不  
 暇故勤雖至而功未立矣洎周高祖以來奉皇華將密  
 命號為稱賊者屈指比數公首与之世宗初平淮甸詔  
 為蘄州兵馬監押兼沿江巡檢善修職遂改承天軍使

自是聲績聞于時矣我太祖神德皇帝乾德中始議平蜀用許帥王全斌為主將且擇使臣恭謹者隨軍陣使而公寔從焉蜀既平公奉捷書馳駟騎入奏太祖嘉之擢授引進副使時故中書令石公以佞侂元勳拜始平章事鎮汾陽乃詔公勑鄆州生辰因信使賞勞也尋加判四方館事且以全蜀雖下群盜未息再命公分屯士卒經略郡县乘傳往復頗得机宜由是益親信矣開寶中麟府二州番賊搔動以争地不決間于朝廷公承詔和戎部落悅服扈從輦輅薄代并門轉引進使出為成

都管内十州都巡檢使賜錢五百萬謝日復授宣充鳳翔府魏王符公官告使公以錫賚優厚懇讓不已太祖曰汝十州巡警煩費亦多不足讓也當時罷列在同列間鮮有其比及受代歸朝會海王入謁命公迎勞頗得礼容并冠稽諫大勳未輯公与洛州防禦使郭進領偏師侵掠深入敵境至五台县界取禾蹂稼寔有力焉今上嗣宝固行允澤授客省使憲州刺史會梅山洞壘恃險判乱受詔為都部署招怀討擊五谿悉平淮海王納版焉奉朝請公為兩浙十三州安撫使尋知杭州軍州

事勞來安輯浙民便之政成名歸為西京都巡檢使因  
推如河南府兼留守司事浩穰之政雅亞上都簡用勤  
公月餘自理加以修宮闕奉輶轉責倖旁午終无間言  
如商州團練使上念延安戎夏等處以公麟府之後深  
識番情知延州軍州事端拱初邊鄙未寧胡羯南投議  
者或請堅壁以待之公以河北諸州繕修城壘遂充天  
雄軍兵馬鈐轄知大名府復以上党近邊素稱唯治知  
潞州軍州事咸有課最達于朝端上方考右道與方田  
俾封疆之臣修耕戰之備公為代北方田都部署事畢

改并州兵馬鈐轄移夏州駐泊未几知鳳翔府事朝議  
以趙保忠歸鎮夏台可息經費求其監護无易公者遂  
再往馬公承上賊下頻叶便宜改石州駐泊上以公驅  
馳且久齒駿漸高俾歸郡封均以勞逸在郡周歲方將  
拜章乞骸歸老里田以淳化三年八月五日構疾終于  
官舍享年七十一娶張氏封清河郡君先公而終于二  
人長某早亡次繼思左班殿直孫若干人長惟德商州  
衙內都指揮使四年四月某日葬于開封府某县某鄉  
某里礼也公歷四朝事八主檢校官自常侍至太保兼

官自監察至大夫皆自銀青至光祿勳自武騎尉至上  
柱國爵自男至郡侯食邑三百戶至一千戶惟公謙  
和畏慎慈惠恭謹積此八者終身不衰嘗蒞大都臨劇  
務无留事无敗獄以務嚴訓軍旅以持重守边防出疆  
有專對之才行師无失律之咎世之稱諳練時務者公  
寔首焉及治商於郡事无簡盖國家優賢養老且休息  
之而早夜孜孜未始懈怠若初筮仕者每斷一大辟雖  
罪狀明白了无所疑亦必委細誌詢伏乎僚吏以至再  
三而復用法復能不忤物不近名奉詔條外不求赫々

經鉅堂校錄

之書知屬吏過失未嘗面言必因公宴引數十年前事  
曰某人嘗為某事得某罪旁指曲諭微警誡之周旋慎  
密平多此類故能四十年間无纖芥之過始全身于乱  
世終立事于清朝諳度伯間未易可得考終牖下不亦  
休哉某左官商山寔公之副執聞之履行乃得以直書  
銘曰

官二千石 世祿之厚 公能守兮 齒七十一

人生之壽 公能有兮 委質明代 保无咎兮

婦全幽宅 光有後兮

殿中丞贈太常少卿桑公神道碑銘并序

按喪奠令五色已上立碑螭首龜趺高不得過九尺又云文武五品以上致仕官薨卒者其帛祭賻物以見任殿中丞品第五太常少卿品第四今雲中留後桑候葬先少卿樹碑于神道用旧制也公諱光輔字魯卿其先弘羊以心計得幸于漢武世居東郡之黎陽徙家于高平鉅野具周顥德中以具為濟州今為郡人焉曾祖諱並隱祖某並隱晦不仕考某密州莒縣主簿公乃即莒具府君之長子以唐天祐甲戌歲生于鉅野既冠長七

經鉅堂校錄

尺風貌峻整襟懷豁如治三禮窮其淵粵隨鄉各累上為擢勢所執退耕隸業一不屑意太平興國初太宗皇帝親試舉人拔孤平澶厄之士公始以本科擢第于御前解褐許州鄆城主簿會太宗親在其壘詔郡縣督民飛輓以餉六師鄆城令當行令畏懦有憂色公曰古人辭易不辭難急病讓夷吾之志也今天子蒙犯霜露弔伐叛逆臣下宴安之時邪遂詣郡講代令行事畢賞勞改濰州團練判官祕書省校書郎俄遷大理評事兼監察御史充泰寧軍節度推官時留後已掌集軍號御

龍直以宿衛忠謹恩碩弥渥因送容侍立奏曰臣父年  
夕之齒甚高為藩郡從事非所樂也臣坐享厚祿不得  
奉朝夕之饅心所未足因制授太子左贊善大夫致仕  
明年轉殿中丞賜五品服色優游輦下時議榮之以淳  
化二年六月十二日寢疾終于上都之官舍享年七十  
有八以留後貴賻贈有加是月叔竈宅于法寶寺自淳  
化四年太宗郊祀至咸平元年今上嗣位由于成均博  
士贈累贈奉常亞列夫人張氏先公而亡追封南陌郡  
君有子四人長曰贊即留後太傅次曰某又次曰某又

經鉏堂校錄

次曰某女一人適某官以其年某月某日葬于本縣獲  
麟鄉休祥里以清河郡太君祔焉禮也公讀周公孔子  
之書而道屈于場屋負冉有季路之政而侖尼于州縣  
積善餘慶留後得用能會風雲于代即執干戈以衛社  
安邊却敵勢如長城尊主庇民精貫白日善訓之道有  
自來矣集鉅野人也為兒童時少鄉數來吾家先人舍  
拜少鄉踞受曰童子蒼常記之見託勒銘辭寔无愧銘  
曰

富貴無種 善惡有源 不在其身 在其子孫

少卿儒雅 留後藩垣 文武之門 在公一門

公來愚車 享茲眉壽 何以饋之 肥豨旨酒

公去賓戚 處茲高堂 何以貴之 赤紱銀章

令終帝里 歸棗吾鄉 樂卿褒贈 壠樹增光

刻名真宅 千載流芳

右衛將軍秦公墓誌銘并序

相蜀之盛享國于秦其後子孫或以為姓公諱某字某廬江人也曾祖其唐末事吳以功為武昌軍節度使事見前史祖太岳州刺史父進遠宣州節度副使贈右監

經鉏堂校錄

門衛率府率公即率府長子當李氏建大號也弱冠起家補殿前承旨仍令禁中侍從先王歿中主嗣位以公為行送副使益加親信恩寵莫貳公謹儉場厲卒于元咎中主幸南昌而終公寔扈送受遺命冊後主于建康禮畢議公將加不次公三上章願守陵寢情不可奪優詔許之授陵台令朝夕西掃朔望涕泣積十餘歲其志不衰後主聞之頗為悲慟詔書三下強起公為尚衣使登心堂祇候澄心堂後主讎私之處也非親密未嘗至此凡閔机務公必与焉王師弔伐之歲以公為撫州兵

馬都監擇才而捍難也師壞金陵城中堅辟時朝廷命  
浙兵攻其東以公為壽昌殿使充建州監軍使知軍州  
事日州不守以將盧絳率潰亂之兵屠歙州殺郡牧遠  
近為之震駭賴兵當沙逼我城壘公堅守獲戰郡人獲  
全後主降詔于郡曰太倉有帑元復願望且命封府  
庫以听朝旨公奉詔哭訖緘封印使次子義表納烏太  
祖嘉其為臣有節完郡有功至書褒美錫賚有加以義  
為右班殿直公歸京師便殿得對恩禮越等授西京作  
坊使金紫光祿大夫檢校司空兼御史大夫上柱國初

經鉅堂校錄

江表之平也諸郡守長於蒼黃中侵取官財用以封植  
後皆自敗並伏其辜惟公未身而歸毫厘先取太宗嗣  
位素聞其事非時召見慰勞久之賜錢三十萬以本官  
監白波軍居三年授西京巡檢使賜錢如白波之數歲  
滿充廣英等十二州巡檢使又賜錢五十萬歸朝政右  
監門衛將軍爵為開國侯食邑一千五百戶淮南六州  
巡檢使轉右領軍衛將軍寔封二百戶淳化五年歸朝  
以五月某日寢疾終于私第享年七十八夫人陳氏封  
穎川世君以令淑聞于宗族先公而亡三子長曰著舉

進士不第而卒次即義也今為西頭供奉官閣門祗候  
以才幹為時士所推有後之慶而其在茲乎季曰恭亦  
早夭二女並遠人而逝以某年某月某日葬于某州某  
縣某里而祔以頴川某君祔祀也某與義交甚熟託為  
銘曰

李氏割据 百官備具 未就給始 公得其所

人皆冒榮 我守臺令 銜哀十年 寵詔三徵

人去危邦 我保孤壘 郡民是完 國亡而已

人幸喪亂 侵取公財 我无一毫 空手而未

經鉅堂校錄

我公未思 二聖念之 內我環尹 便蕃寵綏

人患凶天 我独眉壽 人憂子孫 独我有後

天公報施 在公匪謬 誌墓刻銘 永光世冒

殿中丞贈戶部員外郎孫府君墓誌銘并序

端拱元年三月朔殿中丞富春孫公自龍州受代終于

岐山諸孤護喪 叔定手許服闋長子何奉進士中田科

声名振天下俄拜右正言直史館賜三品服進階為朝

奉節策勳為騎都尉且命副漕運使于畿甸之西按行

數十郡屬吏故人負弩望塵之不暇今春上郊祀畢以

何貴制贈殿中丞府君為尚書戶部員外郎將改葬請  
進士王嘯齋書來除上乞銘于平邦郎中王某公諱庸  
字鼎臣其先出于樞時春秋時事衛為卿三國時據吳  
祿伯五代祖植始渡江為潁川長史高祖簡徙居于蔡  
曾祖中祖皆真隱德不仕考諱鑑贈太理評事先妣劉  
氏追封彭城縣太君皆從公之貴也公即評事之次子  
也孤力學奉進士不第退而修經世之務欲以布衣于  
天子取顯位而行道此其志也周顯德中從 詣招諫  
匭上聖策凡二十有四條多引貞觀時文貞公事以此

經鉏堂校錄

世宗覽而竒之命策試于西掖解褐除開封府兵曹叅  
軍會省吏負再考而罷建隆初授河南府河南縣主簿  
月餘丁彭城太君憂服竟留守尚公從民之請以前銜  
署攝又叔司法叅軍乾德中調天官得開封尉以親王  
出尹而公寔事之秩滿考績議當美遷會上言令錄多  
缺有詔趨吏部亟行補注且曰无限品第因折六資為  
登州錄事叅軍居十載不得代太平興國五年徙官巴  
蜀會朝達表公之才且稱其滯上亦記公之名始授太  
子左贊善大夫尋以本官知制門軍事明年賜緋衣銀

章旌善政而疇久次也移典龍州軍州事雍熙初遷殿  
中丞在郡四年復命得疾肩與而婦享年六十有七夫  
人張氏故國子博士潤之女也先公一年而亡生以未  
貴封清河縣君沒以子貴追封河內縣太君次子僅奉  
進士文學如其兄次子侑少秀為詩長女適鄂州錄事  
叅軍王道隆夫亡守志次女適進士劉仲堪俊而有文  
某年某月某日葬于河南府某縣某鄉某里延廷許府  
君之塋以對策高第顯太宗褒拔王佐劉泊馬周以上  
書稱旨達戶部其斯人之徒欵蓋士君子得其時則功

經鉏堂校錄

成事立大位及于身无其時則卷道藏器餘慶發於後  
報若影響曷嘗有差始世宗得公之策即欲擢升諫垣  
有沂水趙守微以草澤上章拜右拾遺未几坐家行不  
修貶高州戶曹掾丞相范魯公謂  
後用時移事去沉于州县此一不遇也故事尉兩畿四  
赤者滿歲則拜諫官御史由是而為大寮公獨折資糾  
郡陸沉者十稔此二不遇也上久在藩邸僚吏數多即  
佐以素鮮不超擢其間才如孔維者亦至祭酒而公守  
道退默未嘗自陳竟以列庶僚典遠郡而終身焉此三

不過也嗚呼天其或者屈公之位而大公之嗣乎至于  
業官之績可以為史師修身之道可以為人範廉財慎  
言出于天性好李博古老而不衰又今人之所不及也  
其餘家狀此不復書有文集二十卷行于代味其言知  
其道矣初廷評府君以通五經隨計于僖宗朝局巢冠  
覆二京而罷干戈之中講義不輟泰宗叔欲引為賓介  
以疾拒之夫如是則戶部之賢三英之秀有自來矣先  
是某為左司諫知制誥有以何之文相信者見其文有  
韓柳風格因誇于同列荐于宰執間居數月何始來候

吾又得僅之文一編時給事中兼右庶子畢公與吾同  
典誥命遠來吾家因出僅文以示之讀未竟乃大呼曰  
嚇死老夫矣其為名賢推服也如此僅之就奪也以兄  
中狀元抑之末第乃今播紳中言掌誥之才者咸曰朝  
廷不命其人則已命之則必何也嗚呼屋中語科第之殊  
級者亦曰國器各則已各不罷則首冠者必僅也吾是  
以知廷評之積德戶部之道屈在夫三子矣豈止文學  
之出人矣又將富貴之逼身也銘曰

賢人有位 止于身貴 無位干時 子孫得之

廷評素履 家食而已 戶部偉才 朝班而已

貽謀遺志 付与三子 三子堂 天寔祐尔

賦尔懿文 錫尔籙祉 翰飛聖朝 何啻萬里

君子曰貴 孫氏之榮 諸孤其光 顯于宋乎

累贈太子洗馬平府君墓誌銘并序

在昔唐鼎入梁諸侯各專其地就齊魯而言則王師範據留青時溥據徐宿朱瑄朱瑾據兗鄆皆南結吳人以張声援西向而拒梁太祖通和討伐智力殆盡僅能平四州之地而吳軍北侵益急自清口之敗梁兵縮首

經鉅堂校錄

不出當時沂密之民被乱尤甚不死于餓即死于兵非豪傑不能活妻子况庇其鄉党乎于是民相保聚離為八寨以捍南寇府君之祖諱某以負勇敢知礼義為鄉人所推朝廷就署為沿边八寨都指揮使却敵完民敵入寇境雖吳弩之勁不敢比射一天使人得耕桑嫁娶如治平時後以老病而終府君之顯考諱龍父戡无懈屬晋氏有平陽之辱中原无主帥趙重將掠高密南奔顯考府君以父子繼職護邊穹追不已竟歿于賊眾推府君嗣其嗣事府君諱某字某時年十八雪泣枕戈期

以尽教不墜世業邑人賴焉既而世宗以代一英主削  
平淮夷府君始去矣即農厚自封植僮奴數百人奔走  
供事樹桑墾土衣食以豐馬牛豚羊蓄息蔽野槌鮮釀  
黍以享賓客聚書講學以教子弟任使自許弋獵為娛  
遊人歸之如公郵里不服之如官府至于縣大夫郡刺  
史咸礼重焉嘗歎曰自祖考及吾生在亂世庇民禦寇  
其勤實是多未嘗授一官糗食料粟報施之道吾有後  
予以開寶六年十月十二日終于家享年四十有八始  
贈大理評事再贈本寺丞今上即位贈某官夫人劉氏

經鉅堂校錄

封彭城縣太君淳化五年以疾終于楚州官舍至道二  
年追封南陽太君婦德母道有史館朱台符為之誌二  
男長曰子与字希孟擢進士第長于辭賦與麗可愛今  
為殿中侍御史賜五品章服先是國家以饑茗漕運之  
政務付子希孟東極溫福西尽荆湖南距番禺北正淮  
甸凡半天下悉以委焉希孟裁量經制咸得其中宿弊  
旧訛一皆剔削去繁存要公私便之每一艤舟一就館  
則郡县申牒委積如阜侍報而返間不容時加以旧无  
窺絕事有利害希孟閱視剖判遣之如流施于有司靡

不中理所謂幹周之蠱兼人之才者也次曰某未冠而卒五女既嫁而死在室而夭者凡四人焉今存者潤州司戶叅軍劉真固之妻也以某年某月某日葬于密州莒其鄉某里以南陽太君祔祀也王氏皆帝王之後居太原者為姬姓隋家大儒號曰文中子府君之先也六代祖因官密上受岱嶽東蒙之秀又其俗被周公太公孔子之化遂家焉至今密人呼忻王家以別瑯琊之族夫如是府君其周之苗裔乎某与希孟既為布衣友又為同恩生重以宗盟情分歎密夫人之墓所宜為銘

經淵堂校錄

曰

姬姓王氏	居于太原	隋文中子	即其裔孫
密上因官	其後家焉	遇亂習武	三世百年
府君禦寇	無祿無壽	陰德所施	且其有後
乃生殿中	少登秀茂	立朝顯親	褒贈禮厚
揚名以道	克家惟孝	墓誌刻銘	永光祖考

王黃州小畜集卷第二十九



一榜中推為探花先輩解褐秘書省校書郎宰相苑魯  
公奏為集賢校理頃之求外官得鄆州觀察支使歷求  
兵軍節度掌書記伊陽騎氏蔡州防禦判官繼宰介休  
魏县開寶五年故相國趙韓王取為著作佐郎與今兵  
部侍郎兼秘書監楊公徽之兵部郎中知制誥李公若  
拙故左補闕知制誥趙公隣凡同列東觀當時天下浮  
佐著作局者唯公等四人而已才名第望輝映搢紳居  
无何授清河令以七年某月某日寢疾終于官舍享年  
四十有七夫人于氏太常少卿鵬之次女也太平與國

經鉅堂校錄

七年某月某日終于私第年四十有七二子長曰仲權  
擢進士第授太常博士次曰仲淵長女適太子中舍聶  
巨川次適故王太常丞王禹錫次適聶巨鎔初公長兄  
恂早亡无嗣弟愉周廢順二年登進士第歷其官倉部  
員外郎知制誥張澹以女妻之子生曰孟容季昌女適  
周氏並早亡惟季女適靳氏在焉仲容丁母憂時徒步  
詣甲陝河洛扶護祖考暨叔父母兄孟容五喪東歸致  
書于我且曰叔父府君傳父兄之業敦孝友之行顯位  
未至賦命不融我先妣太君貞淑慈愛和平均一兩院

兒女凡有凡人訓撫提携並如己子于今鄉人不知有從父兄弟嗟乎小子罪逆不孝祿不及親官忝通籍今奉天子命得封贈父母未立片石以表坟墓大懼我祖考之遺烈將墜于地幸与足下布衣之旧豈惜一言不慰罔極之心乎其謝而許之左官掖垣憂畏奔迫閨三月九日晨及光州加祿駟書寢既酣初夕而寐因舍家僮乘燭據行寔而書之公奉進士時著四時歲賦萬餘言声振場屋与弟愉並有文集行于代嗚呼士之處世患才无所取名无所聞才名既立患知己惟公負天才

得高第復有范魯公有范相國皆為之引掖而不登于朝藉又終于畿令豈非命歟云在其子孫又必有達者銘曰

鞠氏姬姓 出本于魯 世居東萊 縫掖章甫

明經神童 里選鄉本 擢第業官 不可勝數

策皆士名 考登科記 大鞠之門 自公而始

中州府君 文學茂異 命屈于時 終于從事

謀孫翼子 在公昆弟 猗嗟我公 高才下位

伯倫酒德 披文見意 王績醉鄉 含章遁世

歿後三紀 贈典方至 猶限彛章 成均博士  
守孝不匱 永錫爾類

故泉州錄事參軍贈太子洗馬陳君墓碣銘 并序

兩漢公卿多補郡吏申督郵功封而用者十有四五故  
其治道鄰于三代蓋者行于鄉試才子州而后登于朝  
也期得鄉本里選之遺制歟其道雖廢其人或存陳府  
君近之矣唐叔大亂天下分列東南曰閩有王審知者  
據之自主維以李留張陳凡五師七十年雖附庸于南  
稱藩于中原其屬史皆自署也至今鄉人以先輩呼其

經鉅堂校錄

家君即先輩府君之子以文行稱于州里閩師重而辟  
之君曰吾先人策名中夏遭時不幸介在偽土義不受  
祿者全其節也雖捍地悍師不敢加害名高行著故也  
吾小子負荷世德永閔于朝一旦又將拒之禍且至矣  
吾嘗被天子命无辱于先人也今時雖可惜而年已過  
矣吾其樂山水守松楸而終天年乎乃辭以老而命次  
子靖入于朝其後終于家享年七十初靖之婦周也補  
許州司法參軍時富春孫何濟陽丁謂皆當世之文豪  
也靖与之交用是詞格曰進端拱中拜疏議迪上奇其

節授將作監丞主利國監後隸御史府專以制劾為職  
 皆非所樂也上章言時事上益重之超拜秘書丞直  
 史館四年郊祀中以靖貴贈府君洗馬明年秋靖得告  
 南歸且特以漏澤賁其墓有誌孫何為文又請尚書  
 禮部員外郎知制誥平某書墓表某因謂曰墓之有表  
 古也然近世有德行无祿伴者多表而旌之據孔子為  
 大夫父為士祭則大夫葬則士今洗馬秘書俱為五品  
 官而欲表之与无位者同矣何以示其貴耶按今五品  
 以上者土碑七品以上者立碣誌其墓且矣靖乃拜而

經鉅堂校錄

謝之君之行已業官理家訓暨為署官職卒葬之年月  
 宅兆之原里五男三女為令子女得嘉偕凡是數者孫  
 之誌具焉夫人李氏封隴西具太君亦從子之貴者也銘  
 曰

媯姓後 穎川陳 永嘉亂 徙于閩

德不墜 世有人 為從事 登王賓

拒偽命 名益振 生膳部 行恂

事連帥 始全身 修覲禮 趨紫宸

有蘭佩 有銀郡 督郵始 即真生

小畜集卷三十 五

生秘丞

文彬

遇聖主

為史臣

漏斯澤

顯斯親

時孝子

時孝孫

碣其坟

垂後昆

監察御史朱府君墓誌銘并序

公諱遵式字咸則祁州元極人其先高草氏有才子八人朱虎其一也

卿辭命伯益作虞官孟讓于虎

則盛德之後遂可知矣曾祖儼祖公政皆隱德不仕考思瓊贈大理可直妣董氏追封隴西縣太君公即司直府君之第二子也幼而聰悟不為戲嬉始能言即好誦

經鉅堂校錄

書將各神童田艱而罷服闋業文不捨晝夜二十四應進士凡四上為執勢所扣周顯德初翰林水旨兵部侍郎徐公典貢奉褒拔寒俊精藝寔始公成名世宗平壽春戎寨揚信奏公為節度推官得秘書省校書郎兵曹之餘瘡痕未復似助軍政公寔盡瘁太祖開國以恩例試大理評事仍進階一級是歲師歸蒲津糜以旧戰巨才屈手幕府請議聞諸朝廷于陝郊有逋民本府有醜務左馮有旱灾皆別勅委公按覆其事搯及决滯根節迎解軋德三年楊公薨僚佐並隨府罷新帥汾陽郭公

從義素間公名留戎佐政辟避不獲俛俛就位汾陽一  
幕公為未至奉<sup>上</sup>率下人無間言會詔下督藩臣奔幕  
吏堪為升朝官者同舍<sup>即</sup>皆促裝俟命汾陽諸侯之賢  
者也以為非公不可塞詔第以賔佐故旧之情重准其  
事因重午節請公修貢乃<sup>表</sup>以狀聞左右无能知者拜  
監察御史制書先署<sup>奉</sup>中書今名御措紳以為美事  
鑿鉄奏秦州銀冶比多<sup>逋</sup>負未入之數不減萬計請擇  
朝臣以主之相府以公前佐河中有廉幹之譽遂命監  
馬乘駟之任復經旧府汾陽迎于遠郊具藩見臺憲禮

輟執御者對控公馬之首小却即按轡息揖並驅而行  
蒲人榮之觀者如堵監銀冶几八月宿契尽去羨利居  
多巴蜀初平呂翰嘯聚國家憂三峽諸郡以公為涪州  
通判忠信篤敬<sup>蠻</sup>貊化之遂知軍州事歲滿夷僚相率  
守闕價以至抽輟<sup>替</sup>弭略无倦色雅好内典達其旨趣  
又多智善解<sup>夢</sup>言<sup>未</sup>來<sup>事</sup>往<sup>符</sup>驗<sup>書</sup>哭之後微有足  
疾杖而能行及聞長子登第因投杖而起朱氏之門不  
墜矣吾為人婦為人母无負也足疾遂瘳見其子昇通  
藉板与就養者十三年以某年某月某日终于舒州年

六十九二子長曰九齡秘書省著作佐郎文學政事不  
墜家法次曰延齡奉進士不第而終五女長嫁殿中丞  
直集賢院程宿次嫁岳州司理叅軍郭彥簡次嫁張士  
廉次嫁張士宗並奉進士儒林之秀者也季女未出室  
以某年某月某日某于某鄉某里以邯鄲縣太君祔焉  
禮也公負典誥之文止于棧檄有愷悌之政流乎夷落  
練臺之客儀老于錢穀時使然也有郭令之慰荐受太  
宗殊遇而不及顯位舍使然也夫位不充德者其後必  
大豈誣也哉某与大著作為進士同年請以詞臣之筆

誌于大人之墓銘曰

人恤乎无德不恤乎无位俱充惠于困窮匪吾之通  
位卑擊崇擊于汗隆匪吾之穷展矣朱公抑揚古風  
策名筮仕二十五年一烏肘終身不遭余慶昌繁施  
及後昆賢子令孫必大其門刻此清芬銘于九原

建谿處士贈大理評事柳府君墓碣銘并序

有唐以武戡亂以文化人自宰輔公卿至方伯連率皆  
用儒者為之而柳氏最稱顯族故其子厚自言其家同  
時為尚書郎者三十餘人其盛可知也于時宦遊之云

率以東南乞留優詔許之仍降玺書褒美開寶五年始  
受代入憲府掌內彈左補闕宗維忠以本官知濠梁家  
富于財輕齎自奉解印之日有白金數千兩時輦下用  
中黃門典開市之稅為以朝官祿簿疑有奸利即以事  
聞太祖方責廉吏養疲民乃下御史府公親勘之其寔  
家財无賦污狀惟忠請息証以脫繫獄公不許刺問履  
歷未嘗有瀆貨事乃請原其罪太祖名公詰讓曰囊橐  
如此非盜于官即取于民書生相党耶公曰惟忠始下  
獄即請伏罪臣不忍希古致人于决乱陛下邦憲因抱

歎占罷列指摘詞氣不挽太祖怒曰吾將自决此獄安  
用御史為遂坐惟忠徒罪比公使去公執簡而出无惧  
色時太宗皇帝月京都公所守甚奇之使人慰勉田為  
御史執法当執法然中外恐惧憂在不惻未几以公監  
開寶監畏避雷霆韜戰鋒鏑公与賓友縱而已八年郊  
祀畢策勳柱國太宗嗣位加朝請大夫太平興國二年  
歸闕屬軍国事繁未暇進用公微得風恙求判西京留  
臺遂兼高稅事非所樂也明年得病告歸東京終于私  
第享年五十五某年贈某官夫人杜氏宿州刺史雋之

女也從夫封京兆君從子追封某縣太君有婦母德  
傳于親族府君以清白捐館家无餘資一男未冠玉女  
未笄居于京師嘗若佳王夫人一切儉約以身率下外  
求師友以訓其子內修工容以教其女衣服飲食皆有  
樽節唯買書則不問其為善地每刺一郡殿一邦必留  
其宗屬子孫占藉於治所蓋以江山泉石之秀異也至  
今吳越士人多稱唐賢田族耳公諱崇字子高五代祖  
與從季父冕廉間閩川因奏署福川司馬改建州長吏  
遂家焉與生誕二生瓊二生祚二生澄于公為顯考公

經鉏堂校錄


十歲而孤母夫人丁氏春誨成人既冠屬王審知據福  
建以公補沙縣丞時審知殘民自奉人多衣紙公曰此  
豈有道之教耶即以就養引去因自誓終身御布衣称  
處士而已泊李氏奄有江左其長子宜為太子校書郎  
江寧縣宰貴溪崇仁建陽三邑拜監察御史次子宣試  
大理評事迎公于建康時以宜貴當得致仕官切誠宜  
曰不可奉請以卒吾志太祖平吳宜為費率宜以校書  
郎為濟州團練推官公始渡江省諸子自沂至濟自濟  
至京師得疾肩輿而歸以太平興國五年十一月某日

終于濟之官舍享年六十三嫡夫人丁氏先公而止追封某縣太君宜宣之母也宜今為國子博士宣終于大理司直天平軍節度推官今夫人虞氏封范陽縣太君生四子寘宏齊進士察察並以辭學自立有後之慶為可知也女五人皆得嘉婿初公之捐館也博士方按獄于沂聞訃號絕徒跣胄雪而行以于濟時有詔不听吏守三年喪博士負緘經詣登聞院三上章乞護喪終制寢而不報又叩相馬泣訴其事雖不得請君于是之既而諸弟扶柩而歸叔定于所居之右以其年某月某日

經鉏堂校錄

卜葬于某縣某鄉某里以先太君祔禮也公以行義著于州里以兢嚴治于閨門鄉人有小忿爭不詣府官決其曲直取公一言諸子諸婦勤修禮法雖從官千里若公在旁其身訓子有如此者柳之姓自展禽始執卷者知之矣今略而不書博士之婦朝也得雷澤令雷澤某之故里也始以邑中進士見句博士厚于我司直之從事于濟也某家寓焉司直善于我又嘗拜廷評府君子堂上其為文也可謂久矣乞銘公墓義不可辭銘曰處士之名芳象著于天廷評之贈芳澤漏于泉子孫

文雅芳後嗣綿三刻銘墓石芳以永千年



王黃州小畜集卷第三十

黃州

契勘諸路軍州間有印書籍去處竊見王黃州小畜集  
 文章典雅有益後學所在未曾開板今得舊本計一十  
 六萬三千八百四十八字檢准紹興令諸私雕印文書  
 先納所屬申轉運司選官詳定有益學者聽印行除依  
 上條申明施行今具雕造小畜集一部共八冊計四百  
 五十二板合用紙墨工價等項

印書紙并副板四百四十板

表楷碧紙一十一張大紙八張共錢二百六文足

賃板棧墨錢五百文足

裝印工食錢四百三十文足

除印書紙外共計錢一貫一百三十六文足

見成出賣每部價錢五貫天省

右具如前

紹興十七年七月日校正承節郎黃州巡轄馬遠鋪

周郁

校正左從正郎司理叅軍李儼

校正右從正郎錄事叅軍李彬

校正左從政郎州學教授梅守卓

監雕造右文林郎軍事推官宗亞昌

監雕造右文林郎軍事判官王

右朝奉郎通判軍州事胡 兢

左朝散大夫權知軍州事沈虞卿



